

內經素問

《內經素問》



南京中醫 23-28
南京中醫藥大學圖書館藏
2021.1.1

四部備要

子部

上海中華書局據明顧氏
影宋本校刊

桐鄉

陸費達總勘

杭縣

高時顯輯校

杭縣

吳汝霖丁輔之監造



南京中医药大学图书馆版权所有

黃帝內經素問序

啓玄子王冰譔

新校正云按唐人物志冰仕唐太僕令年八十餘以壽終

夫釋縛脫艱全真導氣拯黎元於仁壽濟羸劣以獲安者非三聖道則不能致之矣孔安國序尙書曰伏羲神農黃帝之書謂之三墳言大道也班固漢書藝文志曰黃帝內經十八卷素問卽其經之九卷也兼靈樞九卷迺其數焉

新校正云詳王氏此說蓋本皇甫士安甲乙經之序彼云七略

藝文志黃帝內經十八卷今有鍼經九卷素問九卷卽內經也故王氏遵而用之又素問外九卷漢張仲景及西晉王叔和脈經只爲之九卷皇甫士安名爲鍼經亦專名九卷楊玄操云黃帝內經二

帙各九卷按隋書經籍志謂之九靈王冰名爲靈樞

志雖復年移代革而授學

猶存懼非其人而時有所隱故第七一卷師氏藏之今之奉行惟八卷爾然而其文簡其意博其理奧其趣深天地之象分陰陽之候列變化之由表死生之

兆彰不謀而遐邇自同勿約而幽明斯契稽其言有
徵驗之事不忒誠可謂至道之宗奉生之始矣假若
天機迅發妙識玄通歲謀雖屬乎生知標格亦資於
詁訓未嘗有行不由逕出不由戶者也然刻意研精
探微索隱或識契真要則目牛無全故動則有成猶
鬼神幽贊而命世奇傑時時閒出焉則周有秦公新
正云按別本作和緩漢有淳于公魏有張公華公皆得斯妙
道者也咸日新其用大濟蒸人華葉遞榮聲實相副
蓋教之著矣亦天之假也冰弱齡慕道夙好養生幸
遇真經式爲龜鏡而世本紕繆篇目重疊前後不倫
文義懸隔施行不易披會亦難歲月既淹襲以成弊
或一篇重出而別立二名或兩論併吞而都爲一目
或問答未已別樹篇題或脫簡不書而云世闕重合

經而冠鍼服併方宜而爲效篇隔虛實而爲逆從合
經絡而爲論要節皮部爲經絡退至教以先鍼諸如
此流不可勝數且將升岱嶽非逕奚爲欲詣扶桑無
舟莫適乃精勤博訪而并有其人歷十二年方臻理
要詢謀得失深遂夙心時於先生郭子齋堂受得先
師張公祕本文字昭晰義理環周一以參詳羣疑冰
釋恐散於末學絕彼師資因而譏註用傳不朽兼舊
藏之卷合八十一篇二十四卷勒成一部

新詳素問第

校正云

七卷亡已久矣按皇甫士安晉人也序甲乙經云亦有失隋書經籍志載梁七錄亦云止存八卷全元起隋人所注本乃無第七王冰唐寶應中人上至晉皇甫謐甘露中已六百餘年而冰自爲得舊藏之卷今竊疑之仍觀天元紀大論五運行論六微旨論氣交變論五常政論六元正紀論至真要論七篇居今素問四卷篇浩大不與素問前後篇卷等又且所載之事與素問餘篇略不相通竊疑此七篇乃陰陽大論之文王氏取以補所亡之卷猶周官士冬官以考工記補之之類也又按漢張仲景傷寒論序云譏

用素問九卷八十一難經陰陽大論是素問與陰陽之經終非素問第七矣冀乎究尾明首尋註會經開發童蒙宣揚至理而已其中簡脫文斷義不相接者搜求經論所有遷移以補其處篇目墜缺指事不明者量其意趣加字以昭其義篇論吞并義不相涉闕漏名目者區分事類別目以冠篇首君臣請問禮儀乖失者考校尊卑增益以光其意錯簡碎文前後重疊者詳其指趣削去繁雜以存其要辭理祕密難粗論述者別譏玄珠以陳其道新校正云詳王氏玄珠世無傳者今有玄珠十卷昭

明隱旨三卷蓋後人附託之文也雖非王氏之書亦於素問第十九卷至二十四卷頗有發明其隱旨

三卷與今世所謂天元玉冊者正相表裏而與王冰之義多不同正凡所加字皆朱書其文使今古必分字不雜糅庶厥昭彰聖旨敷暢玄言有如列宿高懸奎張不亂深泉淨澑鱗介咸分君

臣無夭枉之期夷夏有延齡之望俾工徒勿誤學者
惟明至道流行徽音累屬千載之後方知大聖之慈
惠無窮時大唐寶應元年歲次壬寅序

將仕郎守殿中丞孫兆重改誤

朝奉郎守國子博士同校正醫書上騎都尉賜緋魚袋高保衡

朝奉郎守尚書屯田郎中同校正醫書騎都尉賜緋魚袋孫奇

朝散大夫守光祿卿直祕閣判登聞檢院上護軍林億

補注黃帝內經素問序

臣聞安不忘危存不忘亡者往聖之先務求民之瘼
恤民之隱者上主之深仁在昔黃帝之御極也以理
身緒餘治天下坐於明堂之上臨觀八極考建五常
以謂人之生也負陰而抱陽食味而被色外有寒暑
之相盪內有喜怒之交侵天昏札瘥國家代有將欲
斂時五福以敷錫厥庶民乃與歧伯上窮天紀下極
地理遠取諸物近取諸身更相問難垂法以福萬世
於是雷公之倫授業傳之而內經作矣歷代寶之未
有失墜蒼周之興秦和述六氣之論具明於左史厥
後越人得其一二演而述難經西漢倉公傳其舊學
東漢仲景譏其遺論晉皇甫謐刺而爲甲乙及隋楊
上善纂而爲太素時則有全元起者始爲之訓解闕

第七一通迄唐寶應中太僕王冰篤好之得先師所藏之卷大爲次註猶是三皇遺文爛然可觀惜乎唐令列之醫學付之執技之流而薦紳先生罕言之去聖已遠其術昧是以文注紛錯義理混淆殊不知三墳之餘帝王之高致聖賢之能事唐堯之授四時虞舜之齊七政神禹修六府以興帝功文王推六子以敘卦氣伊尹調五味以致君箕子陳五行以佐世其致一也奈何以至精至微之道傳之以至下至淺之人其不廢絕爲已幸矣頃在嘉祐中仁宗念聖祖之遺事將墜于地迺詔通知其學者俾之是正臣等承乏典校伏念旬歲遂乃搜訪中外裒集衆本寢尋其義正其訛舛十得其三四餘不能具竊謂未足以稱明詔副聖意而又採漢唐書錄古醫經之存於世

者得數十家敘而考正焉貫穿錯綜磅礴會通或端
本以尋支或泝流而討源定其可知次以舊目正繆
誤者六千餘字增注義者二千餘條一言去取必有
稽考舛文疑義於是詳明以之治身可以消患於未
兆施於有政可以廣生於無窮恭惟皇帝撫大同之
運擁無疆之休述先志以奉成興微學而永正則和
氣可召災害不生陶一世之民同躋于壽域矣國子
博士臣高保衡光祿卿直祕閣臣林億等謹上

黃帝內經素問目錄

第一卷

上古天真論一

四氣調神大論二

生氣通天論三

金匱真言論四

第二卷

陰陽應象大論五

陰陽離合論六

陰陽別論七

第三卷

靈蘭祕典論八

六節藏象論九

五藏生成篇十

五藏別論十一

第四卷

異法方宜論十二

移精變氣論十三

湯液醪醴論十四

玉板論要篇十五



診要經終論十六

第五卷

脈要精微論十七 平人氣象論十八

第六卷

玉機真藏論十九 三部九候論二十

第七卷

經脈別論二十一 藏氣法時論二十二

宣明五氣篇二十三 血氣形志篇二十四

第八卷

寶命全形論二十五 八正神明論二十六

離合真邪論二十七 通評虛實論二十八

太陰陽明論二十九 陽明脈解三十

第九卷

熱論三十一

刺熱論三十二

評熱病論三十三

逆調論三十四

第十卷

瘡論三十五

刺瘡篇三十六

氣厥論三十七

效論三十八

第十一卷

舉痛論三十九

腹中論四十

刺腰痛論四十一

第十二卷

風論四十二

痹論四十三

痿論四十四

厥論四十五

第十三卷

病能論四十六

奇病論四十七



珍倣宋版印

大奇論四十八

脈解篇四十九

第十四卷

刺要論五十

刺齊論五十一

刺禁論五十二

刺志論五十三

鍼解五十四

長刺節論五十五

第十五卷

皮部論五十六

經絡論五十七

氣穴論五十八

氣府論五十九

第十六卷

骨空論六十

水熱穴論六十一

第十七卷

調經論六十二

第十八卷



南京中医药大学图书馆版权所有

繆刺論六十三

四時刺逆從論六十四

標本病傳論六十五

第十九卷

天元紀大論六十六 五運行大論六十七

六微旨大論六十八

第二十卷

氣交變大論六十九 五常政大論七十

第二十一卷

六元正紀大論七十一 刺法論七十二

本病論七十三

第二十二卷

至真要大論七十四

第二十三卷



珍倣宋版印

著至教論七十五

示從容論七十六

疏五過論七十七

徵四失論七十八

第二十四卷

陰陽類論七十九

方盛衰論八十

解精微論八十一

卷之二十四

大經六十二

小經六十四

卷之二十四

大經六十二

大經六十六

大經六十九



南京中医药大学图书馆版权所有

補注黃帝內經素問卷第一

新校正云按王氏不解所以名起於何代按隋書經籍志始有素問之名甲乙經序晉皇甫謐之文已云素問論病精辨王叔和西晉入撰脈經云出素問鍼經漢張仲景撰傷寒卒病論集云撰用素問是則素問之名著於隋志上見於漢代也自仲景已前無文可見莫得而知據今世所存之書則素問之名起漢世也所以名素問之義全元起有說云素者本也問者黃帝問岐伯也方陳性情之源五行之本故曰素問元起雖有此解義未甚明按乾鑿度云夫有形者生於無形故有太易有太初有太始者有太素太易者未見氣也太初者氣之始也形之始也太素者質之始也氣形質具而彌散由是萌生故黃帝問此太素質之始也素問之名義或由此

啓玄子次注林億孫奇高保衡等奉敕校正孫兆重改誤

上古天真論

生氣通天論

四氣調神大論

金匱真言論

上古天真論篇第一

新校正云按全元起本在第十九卷王氏重次篇第移冠篇首

問今注逐篇必具全元起本之卷第者欲存素
舊第目見今之篇次皆王氏之所移也